

景岳全書

景岳全書

張介賓先生著

景岳全書

光緒三十年上海圖書
集成

序

人情莫不欲壽恆諱疾而忌醫孰知延壽之方匪藥石不爲功得病之由多半服食不審致庸醫之誤人曰藥之不如其勿藥是由因噎廢食也原夫天地生物以好生爲心草木金石飛潛洩渤之類皆可已病聽其人之自取古之聖人又以天地之心爲己心著爲素問難經定爲君臣佐使方旨待其人善用之用之善出爲良醫藥石方旨惟吾所使壽夭榮謝之數自我操之如執左券皆稽古之力也庸醫反是執古方泥古法罔然不知病所自起爲表爲裏爲虛爲實一旦殺人不知自反反歸咎於食忌洗其恥於方冊此不善學者之過也故曰肱三折而成良醫言有所試也不三世不服其藥言有所受之也假試之知而不行受之傳而不習已先病矣己之不暇何暇於己人之病是無怪乎忌醫者之紛紛也越人張景岳豪傑士也先世以軍功起家食祿千戶世襲指揮使結髮讀書不咕咕章句初學萬人敵得魚腹八陣不傳之祕仗策遊俠往來燕冀間慨然有封狼胥勒燕然之想榆林碣石鳳城鴨江足跡幾徧投筆棄繻絕塞失其天險談兵說劍壯士遜其顏色所遇數奇未嘗俛首求合也由是落落難偶浩歌歸里肆力於軒岐之學以養其親遇有危症世醫拱手得其一匕矍然起矣常出其平生之技著爲醫學全書凡六十有四卷語其徒曰醫之用藥猶用兵也治病如治寇攘知寇所在精兵攻之兵不血刃矣故所著書髮髯八

遺意古方經也新方權也經權互用天下無難事矣書既成限於貲未及流傳而歿遺草屬諸外孫林君日蔚蔚載與南遊初見賞於方伯魯公捐貲付梓板成北去得其書者視爲肘後之珍世罕見之予生平頗好稽古猶專意於養生家言是書誠養生之祕笈也惜其流傳不廣出俸翻刻公諸宇內善讀其書者庶免庸醫誤人之咎諱疾忌醫者毋因噎而廢食也可

康熙五十年歲次辛卯孟春兩廣運使瀛海賈棠題於羊城官舍之退思堂

我

皇上御極五十年惠政頻施仁風洋溢民盡雍熙物無夭札固無藉於靈樞素問之書而後臻斯世於壽域也雖然先文正公有言不爲良相當爲良醫乃知有聖君不可無良相而良醫之權又與良相等醫之一道又豈可忽乎哉自軒轅岐伯而下代有奇人惟長沙張仲景爲最著厥後或劉或李或朱並能以良醫名然其得力處不能不各循一己之見猶儒者尊陸尊朱異同之論紛紛莫一越人張景岳蓋醫而良者也天分既高師古復細是能融會乎百家而貫通乎諸子者名其書曰全其自負亦可知矣他不具論觀其逆數一篇逆者得陽順者得陰降以升爲主此開陰陽之祕蓋醫而仙者也世有以仙爲醫而尙不得謂之良哉而或者曰醫生道也兵殺機也醫以陣名毋乃不倫乎不知元氣盛而外邪不能攻亦猶壁壘固而侵劫不能犯也況兵之虛實成敗其機在于俄頃而醫之寒熱攻補其差不容於毫髮孰謂醫與兵之不相通哉若將不得人是以兵與敵也醫不得人是以人試藥也此又景岳以陣名篇之微意也是書爲謙菴魯方伯任粵時所刻紙貴五都求者不易轉運使賈君明於順逆之道精于升降之理濟世情殷重登梨棗予于庚寅孟冬奉

天子命帶星就道未獲觀其告竣閱兩月賈君以札見示景岳全書重刻已成命予作序余雖不敏然以

先文正公良醫良相之意廣之安知昔日之張君足爲良醫而異日之賈君不爲良相以佐我

皇上萬壽無疆之歷服耶故爲數語以弁卷首

閩浙制使瀋陽范時崇撰

先文正公良醫良相之意廣之安知昔日之張君足爲良醫而異日之賈君不爲良相以佐我皇上萬壽無疆之歷服耶故爲數語以弁卷首

全書紀略

先外祖張景岳公名介賓字會卿先世居四川綿竹縣明初以軍功世授紹興衛指揮卜室郡城會稽之東生穎異讀書不屑章句韜鈴軒岐之學尤所淹貫壯歲遊燕冀間從戎幕府出榆關履碣石經鳳城渡鴨綠居數年無所就親益老家益貧翻然而歸功名壯志消磨殆盡盡棄所學而肆力於軒岐探隱研神醫日進名日彰時人比之仲景東垣云苦志編緝內經窮年縷析彙成類經若干卷問世世奉爲金匱玉函者久矣全書者博採前人之精義考驗心得之玄微以自成一家之書首傳忠錄統論陰陽六氣先賢可否凡三卷次脈神章擇諸家珍要精髓以測病情凡二卷著傷寒爲典雜證爲謨婦人爲規小兒爲則痘疹爲詮外科爲鈴凡四十卷採藥味三百種人參附子熟地大黃爲藥中四維更推參地爲良相黃附爲良將凡二卷創藥方分八陣曰補曰和曰寒曰熱曰固曰因曰攻曰散名新方八陣凡四十卷集古方分八陣名古方八陣凡八卷別輯婦人小兒痘疹外科方總皆出入古今八陣以神其用凡四卷共六十四卷名景岳全書是書也繼往開來功豈小補哉以兵法部署方略者古人用藥如用兵也或云公生平善韜鈴不得遂其幼學壯行之志而寓意於醫以發洩其五花八門之奇余曰此蓋有天焉特老其才救世而接醫統之精傳造物之意夫豈其微歟是編成於晚年力不能梓授先君先君復授日蔚余何人斯

而能繼先人之遺志哉歲庚辰攜走粵東告方伯魯公公曰此濟世慈航也天下之寶當與天下共之捐俸付剏閱數月工竣不肖得藉慰先人以慰先外祖於九原先外祖可不朽矣外孫林日蔚跋

景岳全書總目

目序

共計二十四集 六十四卷 每集俱列字號

入集

卷一

傳忠錄上

卷二

傳忠錄中

道集

卷三

傳忠錄下

卷四

脈神章上

有目

卷五

脈神章中

卷六

脈神章下

須集

卷七

傷寒典上

有目

卷八

傷寒典下

從集

卷九

雜證謨

目錄

卷十

雜證謨

諸風

卷十一

雜證謨

非風

厥逆

傷風

卷十二

雜證謨

風痹

汗證

瘧證

性集

卷十三

雜證謨

瘟疫

卷十四

雜證謨

瘧疾

瘴氣

卷十五

雜證謨

寒熱

暑證

火證

理集

卷十六

雜證謨

虛損

勞倦內傷

關格

卷十七

雜證謨

飲食

脾胃

眩運

卷十八

雜證謨

怔忡

不寐

三消

明集

卷十九

雜證謨

欬嗽

喘促

呃逆

鬱證

卷二十

雜證謨

嘔吐

霍亂

惡心

卷二十一

雜證謨

吞酸

反胃

噎膈

餽雜

心集

卷二十二

雜證謨

腫脹

卷二十三

雜證謨

積聚

痞滿

卷二十四

雜證謨

泄瀉

痢疾

卷二十五

雜證謨

心腹痛

脇痛

腰痛

必集

卷二十六

雜證謨

頭痛

面病

口舌

卷二十七

雜證謨

眼目

耳證

鼻病

卷二十八

雜證謨

聲瘡

咽喉

齒牙

卷二十九

雜證謨

遺精

淋濁

遺溺